



**Eyacuñajjija esohui
biso nei**

Ese Ejja

**La Biblia
Pequeña**

**Eyacuiñajjija esohui
biso nei**

Ese Ejja

**La Biblia
Pequeña**

Publicado por
EL Instituto Lingüístico
de Verano

Cochabamba, Bolivia
1985
500

Indice

- 1 **Eyacuiñajji eseja Chii nei**
 - Shomano 15.5 1
 - Macoso 10.27 2
 - Epesio 4.6 3
 - Emeo 4.6 4

- 2 **Jesosa Quito Eyacuiñajjija Bacua**
 - Mateo 17.5,6a 5
 - Shomano 1.4 6
 - 1 Huani 2.22,23 7
 - Conosenese 2.9 8

- 3 **Edojjoshahua Pame**
 - Huani 14.26 9
 - Hecho 1.8 10
 - 1 Conitio 3.16 11
 - Epesio 5.18 11

**4 Jesusaa mimishi pajea
mecani**

Shomano 5.812
Shomano 7.25a12
1 Peno 2.2413
1 Huani 1.914

5 Jesusaa eseya jaahuana cani

Mateo 11.2815
Huani 3.3616
Hecho 4.1217
Hecho 2.2118

**6 Eyacuiñajjija epeejji cuana
quea pame acani**

Huani 4.2119
------------	-----------	-----

Esohui huohuijji cuana

Epesio 3.720
Hecho 2.1820
1 Timoteo 3.621

Esohui huohuijjija

echacosahuajji cuana

1 Timoteo 3.822

1 Timoteo 3.1223

Yahue cuana

Epesio 5.2524

Ehuanase cuana

1 Timoteo 2.10,11 . .25

1 Peno 3.126

¿A'a hui cajji?

Macoso 10.927

1 Conitio 7.10-11 . .28

Echii cuana, enaese cuana

Epesio 6.429

Esho'iquiana

Epesio 6.1-330

Tito 2.631

2 Timoteo 2.1532

**Jjahuanaqui jjimahuajo
jjashahuabaquicue**

Mateo 19.5,633

Ojjañaacachaco cahua

Epesio 4.2834

2 Tesanonisese 3.10. .34

Epona tii, e'ahuemano cuana

1 Timoteo 5.1435

Tito 2.3,436

Echacomeejji cuana

Conosenese 4.137

Echacojji cuana

Epesio 6.538

Epesio 6.6,739

**7 Jjesosaja epeejji cuaa jamaya
ca'a cahua**

Pinipese 4.840

Macoso 12.3041

1 Conitio 15.5842

Eyacuiñajji nijje mimicue

1 Huanai 5.1443

Pinipese 4.643

Mateo 21.2244

Jesosaja bobi ojee ijjiacue

1 Conitio 11.24 . . .45

1 Conitio 11.29 . . .46

**Jesosaja epeeji cuana besa
mecue**

Macoso 16.1647

Hecho 8.36,3748

Aquiana quiacue

Eyacuiñajjija

Shomano 12.1349

1 Conitio 16.250

**Esohui huohuicue pea
huasijje**

Macoso 5.1951

Macoso 16.1552

**8 Bobi Eyacuiñajjija pana
yajjajja'ama**

Hecho 10.1553
1 Timoteo 4.454

**9 Eyacuiñajjija esohui ajeo
tehue mee canaje**

2 Timoteo 3.1655
Huani 20.3156
2 Peno 1.2157

10 Jesosa Quito poeje o'oya

Hecho 1.1158
2 Tesanonisese 2.1.59
Jode 14b59

**11 Mano'yajo, eseya
Eyacuiñajjiya shequi mee
caje'yo**

1 Huani 5.1360
Huani 3.1661
1 Conitio 15.3162

**12 Jesusaa ojaya epeejji cuana
sosequia caje**

Mateo 10.4263

2 Timoteo 4.864

13 Edosiquiana nei, Eshahua

Huani 12.3165

Noca 10.18.65

2 Conitio 11.14 . . .66

Satiaco 4.766

Apocanisi 20.10 . . .67

**14 Quijje shajjama' cuana quea
nee nee poaje'yo**

Shomano 2.868

Emeo 9.2769

Apocanisi 21.8 . . .70

1

Eyacuiñajji eseja Chii nei

E'e, Eyacuiñajjiya eseya ba'e
meesahua cani ojaya epeejji
nei. Onaa napa cajje
jjapeequi pajea'yo ajja.
Jamajjeya eya onijje mimiani
miquianajo jama ba'a: --Ecue
Chii, ¡miquea epeejji cuana
Shomajo ba'e ojee jjapeequi
meesahuacue; Jesusaja esohui
jama ameesahuacue! --eya
poani.

Shomano 15.5

Cojja ba neinei canaje
Jesosaa. Huohui ca o'oyanaje:
--Dejjaa jama amee ajja tii.
Eyacuiñajjiya oe nei ojjaña
acani. Eyahuasijje dobi
meequi cani joya quea aquiana
huiso nee pea'ai --Jesosaa
acanaje.

Macoso 10.27

Oe Eyacuiñajji yani tii tii:
pea chama'. Oya oe nei
ojjañaja Chii ai. Oya ca ca
oe ojjaña huoojeajji. Ojjaña
ameesahua caní de, ojjaña
nijje nequi pea'ai. Jamajjeya
¡Jesosaja epeejji cuana
nijjeya oe quea bei nee
jjapeequicue miquianaya!

Epelio 4.6

E'e jojo nei ojjaña
Eyacuiñajjija eba oja pana'yo.
Chama' Eyacuiñajjijo
ejjanequi quehuaquijji, de.
Jamajjeya quijje nei o cojja
nei nequi majje eseyaya
huohufje'yo quio eseya eshe
nequiya anequinaje cuana.

Emeo 4.13

Jesosa Quito Eyacuiñajjija Bacua

Peno mimianijo tii bo quea
 oshe nee nee nequioquenaje.
 Queya canaje huojaa.
 Shajja'ajja canaje Eyacuiñajji
 jama poani ba'a: --Jiquio
 ecuea ecue Bacua Ejja quea jea
 nee nee. Eya ojo quea bihui
 nee nee. ¡Oya oe
 shajja'ajjacue!

Mateo 17.5,6a

Oya Jesosa Quito ese jayojjaya
yamijji poanaje. Oya
Eyacuiñajji nei pea'ai, oja
Chii jayojja nei nei,
mimishi'ama nei nei. Oya
mano'ya poa. Jamatii
Eyacuiñajjiya quea ca'a nee
neeya oya emano'yojaa shequi
mee ca o'oyaae. Jamya ohuaya
ojjaña ba mee canaje Jesosa
e'e jojo nei oja Bacua Ejja,
esejaya Emeshi Mese nei.

Shomano 1.4

Siajjepojji cuaa aje oe jama huohuime
acani ba'a: --Jesosa ca ca oma
Eyacuiñajjija huoojea'yo ojjaña
jaahuanajji pojjeama, Quito pojjeama.

Ojjaña joya jamaya Jesusajo poani
aje oe Jesosa Quito Eyacuiñajjija
Bacua Ejja pojjeama poso acani.
Jamajjeaya ohuaya Eyacuiñajji, eseja
Chii nei cajaa acani pea'ai. E'e, oya
cuana aje oe Jesosa Quito cuiapanajji
poani. E'e, ojjaña joya Jesosa Quito
Eyacuiñajjija Bacua Ejja pojjeama poso
ajji poani Eyacuiñajji nijje jjapeequi
ajja pea'ai. Joya Eyacuiñajjija Bacua
Ejja nijje jjapeequiani Jesosa nijje
ca ca eseja Chii nei eyajo ani nijje
pea'ai jjapeequiani.

1 Huani 2.22,23

Jamajjeya ;bacue jiquio! Oya
Jesosa Quito eseya jayojja
yamijji poa. Jamatii oya
Eyacuiñajji nei poa.

Conosenese 2.9

Edojjoshahua Pame

Ecue Chiija eba miquianaya
 ecuea epeeji poani.
 Jamajjeya ohuaya Edojjoshahua
 Pame huoojea caje miquiana
 huasijje miquiana jaahuanaa,
 miquiana enijje ejjapeequijji
 pea'ai. Poe majje ohuaya
 miquianaya ba meesahua caje'yo
 Eyacuiñajjija
 ejjashahuabaquijji cuana.
 Ojjaña ecuea esohuijo ohuaya
 miquianaya jjashahuabaqui mee
 caje'yo tii tii pea'ai
 --Jesosa poanaje.

Huani 14.26

Jamatii, Edojjashahua Pame
miquiana que dobi qui majje
ohuaya miquianaya sohuihuohui
meesahua caje quea ja'a nee.
Miquianaya ecuea esohui
huohuijji poaje'yo.

¡Jenosanenajo, Jodio meshijo,
Samania meshijo, ojjaña meshi
quea huesha nee yasijje pea'ai
ecuea esohui huohuiquicue!
--Jesosa poanaje.

Hecho 1.8

Ecuea epeejji cuana Conitojo
ba'e, ja'a pajea'yojji eseya
Eyacuiñajjija equi jayojja!
Edojjoshahua Pame nei ese que
dobiquinaje Jesusaja epeejji
poanijo. Oya miquiana nijje
anijo, miquianaya
Eyacuiñajjija equi jayojja
poanaje.

1 Conitio 3.16

¡A'a jja oe huoojji! Chojja,
ishi'ishianijo miquianaya quea
tai nee poaje'yo.

¡Edojjoshahua Pameja esohui
miquiana nijje jama acue!

Epesio 5.18

4

Jesosaa mimishi pajea meecani

Jamatii eseya Eyacuiñajjija
quea jea nee nee poanijo
ohuaya jama acanaje ba'a:
Ecuana quea mimishi poanijo
tii oya, Jesosa mano'yonaje
eseja mimishi cuijea'yojji
sosejje.

Shomano 5.8

Esejaya Emeshi Mese nei Jesosa
Quito quea ca'a nee nee poani.
Jamajjeya ohuaya eya mimishi
pajea meesahua caje'yo, e'e
jojo nei. Jamajjeya eyaya
Eyacuiñajji bihuiaña jama
ba'a: --Ecue Chii, miyaya eya
jaahuanaña quea pame nee nee.

Shomano 7.25a

¡Jamaya capo'yahua! Jesosa
Quito eseja mimishi cuanajo
mano'yonaje acui
ecueata'apeejo. Oya quea nee
nee poanaje eseja mimishi
cuijea'yojji. Jamajjeya eseja
mimishi pajea mee ca'yani.
Cuanaya ojo eseja
Eyacuiñajjija esohui jayojja
jama po tiitii mee caje'yo
quea pame nee. Jesosa Quito
cuiasejjajea canaje cuaa ejee
ejeapashajjajjaa. Quecua
ca'yonaje. Ma ecuiasejjajo,
equcua'yojo pea'ai eseja quea
boejea po mee canaje Jesusaa.

1 Peno 2.24

Eyacuiñajji nijje mimiajo ca
ca ohuaya esejaya mimishi
cuana cuijea caje'yo. E'e,
jama poajo ba'a:

--Eyacuiñajji, eya quea
mimishi poani. ¡Ecuea mimishi
cuana cuijea'yocue! --jamaya
mimiajo ohuaya ojaya esohui
jayojja jama acaje'yo e'e jojo
nei.

E'e, Jesosa esejaya mimishi
cuanajo mano'yonajejo ohuaya
eseja mimishi cuana cuijea'yo
majje mimishi pajea meesahua
caje'yo. Esey a quea boejea po
mee caje'yo.

1 Huani 1.9

Jesosaa eseya jaahuana cani

--¡Enijje jjapeequicue quea bei! Mique mimishi cuanajo miya quea yeno. Miquea echaco quea camajajo miya quea yeno poani pea'ai. ¡Enijje jjapeequicue! Eyaya miya jomishoca meeje'yo camaja'ama eba'e'yojji.

Mateo 11.28

Jamajjeya ojjaña joya e'e jojo
nei Jesosa nijje jjapeequiani,
Eyacuiñajjija Bacua Ejja
shajja'ajja cani pea'ai onijje
ba'e tiitii mee caje'yo eyajo.
Ojjaña joya o shajja'ajja sa
po ajja ca ca onijje eba'e
mee'yojji pojjeama.
Eyacuiñajjiya oya cuana cajaa
acaje'yo; quea nee nee
poaje'yo tii cuaquiyo.

Huani 3.36

Jesosa Quitohua ohuaye nei
mimishi cuana cuijea'yo majje
ba'e tiitii mee caje'yo se.
E'e, Eyacuiñajjiya oya huoojea
ca'yonaje ese nahuejji, ese
cuaqui yasijje epoqui'yo poaje
jjejojo. Pea chama' ese
jaahuanajji --acanaje Penohua.
Hecho 4.12

"Jamajjeya ojjaña Emeshi Mese
nei nijje camimiahua jama
ba'a: --Emeshi Mese nei, jeya
jaahuanacue! ¡Ecuea mimishi
cuijea'yocue! --jamaya onijje
mimi'yajo, ohuaya oya cuana
jaahuana caje'yo; ba'e tiitii
mee caje'yo eyajo, cuaqui
yasijje huoojea'yo jjima acaje
pea'ai". Jamaya yahuajo nei
nei Joeniya tehue ca poa
Eyacuiñajjija esohui --Peno
poanaje.

Hecho 2.21

6

Eyacuiñajjija epeejji cuana quea pame acani

--¡Shajja'ajjacue mo, epona!

--Jesosaa oya acanaje--.

Quijje pishana miquianaaya

Eyacuiñajji, esejaya Chii

bihuiaje, ojjaña. Jiquio

eyiyo huasijje poe jjimaa,

Jenosanena huasijje poqui

jjimaa pea'ai oya bihuiuaje.

Huani 4.21

Esohui huohuijji cuana

E'e jojo nei Eyacuiñajjiya eya huoojea canaje ojaya esohui quea pame nee Jesusajo huohuiya. Eya ojaya quea jea poanajejo, ohuaya eya ojaya epeejji po mee ca'yonaje, eya ojaya esohui huohuijji po mee canaje pea'ai.

Epelio 3.7

E'e, eyaya Edojjoshahua Pame huoojeaje'yo ecuea echacojji cuana que, epona, dejja cuana que pea'ai. Edojjoshahua Pameya ecuea esohui huohui meesahua caje pea cuana huasijje.

Hecho 2.18

Timoteo, ¡Jesosaja epeejji
jjeya nei jjapeequi a'a
huoojeajji Jesosaja epeejji
jaahuanaa! Oya shajjama' po
chana'; quea ja'a huohui ajja.
Jamajjeya Eyacuiñajjiya oya
tecuea ca chana'. Jamaya
Eyacuinaajjiya Edosiquiana
shajjama' poanijo tecueajea
ca'yonaje yahuajo nei nei.

1 Timoteo 3.6

Esohui huohuijjija echacosahuajji cuana

Timoteo, ¡Jesosaja epeejjija
eba'esahuajji cuana
babacaquicue! Jama acue cuana
ba'a: --¡Quea ja'a nee
ba'ecue! ¡E'e jojo nei nei
mimicue! ¡A'a quea huiso
ishijji, a'a huoojji! ¡A'a
quea dejja tai pojji! ¡A'a
edasiajji pojji pea'ai!

1 Timoteo 3.8

E'e Timoteo, Jesusaja
epeejjija eba'esahuajji babaca
majje oya cuana jiquio jama
acue ba'a: --¡Oe ehuanase
huanacue! ¡Miquea ebacua
cuana, ojjaña miquea equijo
ba'e pea'ai jaahuanacue quea
ja'a nee!

1 Timoteo 3.12

Yahue cuana

Yahue cuana, ¡shajja'ajjacue
mo pea'ai! Jesosa Quito ojaya
epeeji cuana quea jea nee
poanijo mano'yonaje onaja
mimishi cuijea'yojji. Jamaya
yahue cuaa, ¡miquea ehuanase
quea jea nee acue! ¡Quea ja'a
nee jaahuanacue!

Epelio 5.25

Ehuanase cuana

Timoteo, ¡epona cuana jama
acue pea'ai ba'a: --Epona
cuana, ¡miya Eyacuiñajji
bihuiajji poanijo quea ja'a
nee nee ba'ecue!

¡Jjabahuejjaquicue, Jesusaja
epeejji nei pocue! ¡Esohui
huohuijjiya esohui huohui
canijo jjashajja'ajjaquicue!
¡A'a mimi neineiijji! --jamaya
epona cuana acue!

1 Timoteo 2.10,11

Eyaya epona cuana jama añã
ba'a: ¡Quea pama nee ba'ecue!
Ehuanase cuana, ¡miquianajaya
yahue cuana shajja'ajjacue!
E'e pojja'a miquea yahue
Jesosaja epeejji pojjeama.
¡Jamatii ohua huohui cani
jayojja jama acue! Jamajjeya
miya quea pame ba'yani ba
majje miquea yahue Jesosaja
epeejji poaje'yo jamatii,
Jesosajo huohui majamaja
jjima.

1 Peno 3.1

¿A'a huei cajji?

¡Jamajjeya a'a oe jea meejji!

¡A'a hueijji nequiaa! ¡Jama

tii tii oe nei oe acue!

Jamaya Moisesiya yahuajo nei

tehue ca poa pea'ai --Jesosaa

acanaje.

Macoso 10.9

Jjeyahua nei eyaya
Eyacuiñajjija esohui tehueje
yahue cuana huasijje, ehuanase
cuana huasijje pea'ai
miquianajaya ebajji jama ba'a:
Ehuanase cuana, ¡miquea yahue
oe nei nijje ba'ecue! ¡A'a
oya hueijji! ¡Huei majje ca
oe ahuema' ba'e tiitii'yocue!
¡E'e pojja'a miqueahue jjeshe
o'oyacue! Jamaya quea pame
nee. Yahue cuana, ¡oya
jayojja a'a miquea ehuanase:
hueijji! ¡Jaahuana tiitiicue!
¡Eyacuiñajjija esohui jayojja
jama acue!

1 Conitio 7.10-11

Echii cuana, enaese cuana

Echii meseya, enaeseya pea'ai,
¡miquea ebacua cuana
jaahuanacue quea pame nee!
¡A'a onijje quea tecue nee
pojji! ¡A'a quea quene nee po
meejji! ¡Oya cuana huohuicue
Emeshi Mese neija, Jesusaja
esohui! ¡Miquea esohui
shajja'ajja meecue!

Epelio 6.4

Esho'iquiana

Esho'i cuana, miya Emeshi Mese
neija, Jesusaja epeeji
poanijo ishajja'ajjacue mique
chii, miquea enaese pea'ai!
Jamaya quea pame. E'e,
Eyacuiñajjiya jama aca poa
ba'a:

"¡Mique chiiya, miquea
enaeseya pea'ai huohui cani
jayojja jama acue! Jamajjeya
eyaya miquianaya ba'e meeje
quea bihui nee, quea pame nee.
Quea huiso shequiaja ba'e
meeje". Jamaya Eyacuiñajjiya
huohui ca poa.

Epelio 6.1-3

Tito, ¡oya jayojjaya shacuima'
nequi cuana huohuicue pea'ai!
¡Jama acue ba'a: --Shacuima'
nequi cuana, ¡quea ja'a nee
jjashahuabaquicue Jesosa nijje
ejjapee neineiuijji
mimishi'ama! --jamaya
shacuima' nequi cuana
niñeshe'a neineicue!

Tito 2.6

¡Quea ja'a nee nee oe
jjashahuabaquicue quea pame
nee Eyacuiñajjijo echacojji!
Jamajjeya oya mijo quea jaji
nee poaje. E'e, ¡miyaya ojaya
esohui e'e nei huohuicue quea
ja'a nee! Jamajjeya miya
ojaya echacojji quea pame nee
poaje, bicho'ama.

2 Timoteo 2.15

Jjahuanaku jjimahuajo jjashahuabaquicue

"Huohui ca poa ohuaya:

--Jamajjeya yahueya oja chii,
ojaya enaese pea'ai cajiñayiya
ca'yahua oja huanase nijje
ba'ejji".

Oya cuana beca. Jamatii oe
nei jayojja Eyacuiñajjiya oya
ba cani, becamejjijji pea'ai
pojjeama, oe nei jayojjaya.
Cuanaya Eyacuiñajjiya oe
jayojja aca poa. Jamajjeya
ja'a oe jea meeji! ¡Jama tii
tii oe nei oe acue! --Jesosaa
acanaje.

Mateo 19.5,6

Ojjaña cachaco cahua

Jamajjeya miya siipojji ;sii
popajea'yocue! ;Quea pame oe
chaco neineicue! Jamaya
eba'ejji quea pame poaje
miquea quea huiso, aema' ba'e
meesahuajji pea'ai.

Epelio 4.28

Miquiana nijje ba'yahuaa
ecuaaya huohuinaje jama ba'a:
--Ojjaña joya quea huea poani,
chaco chaco sa po'yo ajja aje
oe ja'a bobiajji!

2 Tesanonisese 3.10

Epona tii, e'ahuemano cuana

Timoteo, jamajjeya eya
e'ahuemanojo jjashahuabaquiani
jama ba'a: E'ahuemano cuana
etii pojjeama cajjahueaqui
o'oyahua. Ojaya ebacua cuana
catii mee cahua; oja equijo
cachacochoquiahua pea'ai.
Jamaya poanijo mimishi'ama
nei. Jamajjeya Jesusaja
epeejji pojjeama cuana ojaya
epeejji cuana nijje tecuetecue
ajja poaje.

1 Timoteo 5.14

Epona tii cuana huohuicue jama
ba'a: --¡Jesosaja epeeji
quea pame nee jayojjaya
ba'ecue! ¡A'a pea cuana
niñebajji! ¡A'a ishi'ishijji!
¡Eyacuiñajjija esohui quea
pame neejo pea cuana
jjabahuejja meequicue pea'ai
quea pame nee eba'eji! E'e,
epona cuana niñeshe'acue jama
ba'a: --¡Quea bei pocue!
¡Miqueahue, mique bacua cuana
pea'ai quea jea nee acue!

Tito 2.3,4

Echacomeejji cuana

Ojjaña echacomeejji cuaa,
¡shajja'ajjacue mo oe! Miquea
echacojji cuana miquea yajjijo
chacochacoani ¡sosequiacue oya
huiso tii! ¡Oya cuana oe
jaahuanacue quea pame nee
epojji! ¡A'a pajea'yojji
miquea Emeshi Mese neiya eyajo
aniya miya ba tiitii cani!

Conosenese 4.1

Echacojji cuana

Echacojji cuana, ¡miquea
echacomeejjija esohui jayojja
jama pocue! ¡Chacocue quea
pame nee ojaya! Jamajjeya
Jesosa miquianajo quea bihui
nee poaje.

Epelio 6.5

Miya chacochoani quea pame
nee miquea echaco meejiya ba
canijo o quea bihui po meeji.
¡Ojaya ba jjimajo a'a quea
huea pojji! ¡Chacocue quea
pame nee Jesosa Quitohua miya
ba canijo! Jesosa miquea
echacomeeji poani. E'e,
¡miquea echacomeejjijo
chacocue quea bihui nee! Pea
cuanaja yajjijo quea pame
chacochoanijo Jesosa quea
bihui nee po mee añã miyaya.
Epesio 6.6,7

**Jesosaja epeejji cuaa jamaya
ca'a cahua**

Epeejji cuana, jjeya pea esohui oe
pojji eyaya miqianaya huohuije.
¡Esohui e'e jojo neiyo jashahuaba
tiitiquicue ojjaña Eyacuiñajjiya
esohui quea pame neejo pea'ai!
¡Jashahuabaquicue pea dejja cuanaja
eba'ejji quea pame neejo pea'ai!
Ejjashahuabaquijji quea bei
epo'yojjiyo quea bihui nee epo'yojji
pea'aijo ¡jjashahuabaquicue!
Echacojji quea pame nee neejo,
Eyacuiñajjiya dejja cuana quea bihui
nee po mee canijo pea'ai ¡jjashahuaba
tiitiquicue! E'e, jamaya ojjañaja
quea jea nee.

Pinipese 4.8

Jamajjeya ¡Eyacuiñajji
miquianajaya Emeshi Mese quea
jea nee nee acue! ¡E'e,
miquea huapa pojjeama cuana
quea jea nee acue! ¡Quea jea
nee neeya oe acue Eyacuiñajji!
¡Jamajje ojo jjashahuaba
tiitiicue! ¡Oya
shajja'ajja tiitiicue! ¡Ojaya
epeeji quea ja'a nee nee acue
pea'ai!

Macoso 12.30

Jamajjeya ecuea epeejji cuana,
¡Jesosa Quitoja esohui
etehue'yo jayojja jama
atiitiicue! ¡Ojaya epejji
quea pame nee po tiitiicue!
¡A'a Jesosa nijje jjapeequi
pajea'yojji! ¡Emeshi Mese
neijo Jesusajo chaco
tiitiicue! Jjeya ojo
chacochacoanijo, quijje ohuaya
eseya quea huiso sosequia
caje'yo eyajo.

1 Conitio 15.58

Eyacuiñajji nijje mimicue

Esejaya eba e'e jojo nei jama
ba'a: Eseyaya ojaya
ejjashahuabaquijji jayojja
jama añajo, Eyacuiñajji eseja
Chii nei nijje mimianijo
ohuaya eseya shajja'ajja cani.
1 Huanai 5.14

¡A'a quea mete pojji! Chojja.
¡Mimicue Eyacuiñajji nijje!
¡Aquiana sa poanijo oya oe
huohuicue! ¡Eyacuiñajji
bihuiacue pea'ai!

Pinipese 4.6

Jama jjashahuabaquicue ba'a:
"Eyacuiñajjiya e'e jojo nei
nei eya saja'a caje'yo".

Jamaya miya jjashahuabaquiajo,
Eyacuiñajjiya miquea esohui
saja'a caje. E'e,
Eyacuiñajjiya e jayojja jama
ameesahua caje'yo pea'ai, ma
dejjaa ajjima acani.

Mateo 21.22

Jesosaja bobi ojee ijjiacue

Eyacuiñajji bihuia majje pahui
mijisisi canaje. Ojaya
epeejji cuana jama huohuime
acanaje ba'a: --Jiquio pahui
emijisisi ecuea eyami. Eya
miquianajaya mimishi cuanajo
manoje'yo. Jamajjeya jiquio
pahui ijjiñajo miquianaaya
eya miquianaja mimishijo
mano'yonaje pajea'yo jjima
yajji --Jesosa poanaje.

1 Conitio 11.24

Jesosa Quitoja esohui ojaya
bobijo miquea quea quehuajo
ja'a ijjiajji! Jesosa mijo
mano'yonajejo jjashahuabaqui
jjimaa ja'a oja bobi ijjiajji!
Miya ijjiajo Eyacuiñajji quea
quene nee nee po chana'. Miya
quea nee po mee caje.

1 Conitio 11.29

Jesosaja epeeji cuana besa mecue

Ojjaña joya enijje
jjapeequiani Eyacuiñajjiya
ba'e tiitii mee caje'yo.
Enijje jjapeequi'yajo,
¡ojjañaja ebajji onaaya oya
cuana besa meequicue! Ojjaña
joya enijje jjapeequi'yo ajja
ca ca Eyacuiñajjiya quea nee
nee po mee caje'yo, quea
mimishi poanajejojo.
Jamajjeya Eyacuiñajjiya
onajaya mimishi cuanajo quea
yeno po mee caje'yo.

Macoso 16.16

Majoya oya cuana poquianijo,
ena huasijje poeyanaje.

Jamajjeya ma Etiopia dejja
jama poanaje ba'a: --¡Bacue,
ena ani ba'a! Eya pea'ai
Jesosa nijje jjapeequije.
Jamajjeya ¡besa meecue mo
Eyacuiñajjijo jjeya nei!

Penipeya saja'a canaje jama
ba'a: --E'e, miya Jesusaja
epeejji e'e jojo nei poanijo,
eyaya miya besa meeje
Eyacuiñajjijo --acanaje.

Hecho 8.36,37

Aquiana quiacue Eyacuiñajjija

¡Jesosaja epeejji aema'
poanijo eba'e meesahuajji
quiacue! Pea cuana miquea
cuiñajjijo nequiñaquiyajo,
¡iyaacue bobi ijjiyajji,
ecahuijji pea'ai!

Shomano 12.13

E'e, ¡bejjo chichacue! E'e,
chacochacoajo miquianaya
sosequia cani cuaa
ejjeshejjijo. Jamajjeya
ojjaña epojja Eyacuiñajji ojee
bihuiajjijo, nomico pojajajo,
¡ejjeshejji chichacue Jesusaja
epeejji aema' huasijje
ehuoajeajji, Jodea meshijo
ba'e yasijje! E'e pojja'a oe
epeejjiya oe pojji chaco majje
oe pojji quia caje. Pea
epeejjiya quea huiso quia caje
pojja'a. ¡Jamaya quea pame
quiacue! Jamajjeya eya
miquiana que poe jjimahuajo
miquea ejjeshejji echicha'yo
poaje.

1 Contio 16.2

Esohui huohuicue pea huasijje

Jamatii Jesusaa oya jama
acanaje ba'a: --Chojja,
¡miquea equi yasijje poquicue!
¡Miquea huapa pojjeama cuana
huohuicue ejo, Emeshi Mese
neijo, ma miya ecuea quea boti
neejo quea pame nee anaje
huohuicue! --Jesusa poanaje.

Macoso 5.19

Majoya Jেসোসা oya cuana jama
acanaje ba'a: --¡Poquicue
ojjaña cuana huasijje, ma
ojjaña meshijo ba'e yasijje!
¡Ecuea esohui quea pame nee
eba'e tiitii'yojjijo ba
meequicue! ¡Enijje jjapeequi
meequicue! ¡Enijje
jjapeequi'yajo enajo besa
meecue!

Macoso 16.15

**Bobi Eyacuiñajjiya pana
yajjajja'ama**

Eyajo Jesusaa Peno huohui ca
o'oyanaje jama ba'a:

--Eyacuiñajjiya ojjaña bobi
quea pame po mee ca'yonaje.
Jamajjeya ja'a jama pojji
ba'a: "Jiquio bobi peajja,
coma ijjiya ajja ca iña" a'a
pojji, Peno! --Jesusa poanaje.
Hecho 10.15

Chojja. Eyacuiñajjiya ojjaña
bobi cuana pana ca'ya poa
e'ijjiajji; quea pame nee.
Jamajjeya Jesusaja epeejji
cuaa esohui e'e nei ba majje,
Eyacuiñajji bobijo bihuia
majje pea'ai ojjaña bobi quea
pame cuana ca'ijjia cahua.

1 Timoteo 4.4

9

Eyacuiñajjija esohui ajeo tehue mee canaje

Eyacuiñajjiya dejja pame cuana
ojjaña ojaya esohui tehue mee
ca'ya poa. Eseyaya jiquio
esohui huohuiajje pea cuana
Jesosa Quitojo
jjabahuejjaquije'yo, ojaya
mimishijo quea yeno poaje'yo
pea'ai, ojjaña ba caje'yo
ache esohui e'e nei pojjeama
pea'ai. E'e, ma esohui huohui
majje ojjaña quea boejea nee
ba'e meesahuaje'yo. Eba'ejji
quea pame ba meesahuaje'yo
pea'ai.

2 Timoteo 3.16

Jiquio ecuea etehue'yo eyaya
tehuenaje miquiana
jjabahuejjaquijji. Jamajjeya
jiquio etehue'yo ba majje
miquianaya jjabahuejjaquije
Jesosa e'e jojo nei
Eyacuiñajjija huoojea'yo
ojjaña jaahuanajji. Oya
Eyacuiñajjija Bacua Ejja nei.
E'e, miquianaya majoya e'e
jojo nei jjabahuejjaquiajo,
Jesosaa miquianaya ba'e tiitii
mee caje'yo onijje eyajo.
Huani 20.31

E'e, yahuajo nei dejja cuanaja
Eyacuañajjija esohui jamatii
tehue jjima. Onajaya
ejjashahuabaquiijji huohui
jjima pea'ai. Chojja.
Edojjoshahua Pameya
Eyacuiñajjija epeejji quea
pame nee cuana ojaya esohui
huohui meesahua ca'ya poa.
2 Peno 1.21

10

Jesosa Quito poeje o'oya

Oya jama poanaje ba'a:

--Miquianaaya, Janinea meshijo
ba'e cuaa, ishajja'ajjacue mo!

Miquianaaya Jesosa banaje
ba'esohuaquije'yo eyahuasijje.

Qui'ajjaya oya poeje o'oya
quijje, e'e jojo nei

--esohuidojojji poanaje.

Hecho 1.11

Ecuea epeejji cuana, e'e jojo
nei esejaya Emeshi Mese nei
poeje o'oya. Eseyá, ojjaña
ojaya epeejji cuana ojee
jjequisohua caje'yo onijje
epo'yojji tii tii.

2 Tesanonisese 2.1

¡Bacue oe! Esejaya Emeshi
Mese nei poeje'yo ojjaña
esohuidojojji pame cuana
nijje.

Jode 14b

11

**Mano'yajo, eseya
Eyacuiñajjiya shequi mee
caje'yo**

Ecuea epeeji cuana,
miquianaya Eyacuiñajjiya Bacua
Ejja Jesosa nijje e'e jojo nei
jjapeequiani. Jamajjeya eyaya
jiquio esohui tehueña
miquiana ba meeji e'e jojo
nei onijje eba'e tiitii'yojji
eyajo.

1 Huani 5.13

--E'e Nicodemo --Jesosa
poanaje pea'ai--,
Eyacuiñajjiya ojjaña cuana
ojjaña meshijo ba'e quea jea
nee nee acani. Jamajjeya eya,
oja Bacua Ejja oe nei huoojea
canaje ojjañaja mimishijo
mano'yohua. Jamajjeya ojjaña
joya e'e jojo nei enijje
jjapeequiani Eyacuiñajjiya
ba'e tiitii mee caje'yo onijje
eyajo; quea nee nee epo tiitii
mee'yojji pojjeama.

Huani 3.16

Epeejji cuana, e'e jojo nei
Eyacuiñajjiya eseya shequi mee
caje o'oya. Miquiana esejaya
Emeshi Mese nei Jesosa Quitoja
esohui shajja'ajjanajejo, eya
quea bihui nee. Jamatii pea
cuaa quecuapana caniya tii eya
Jesosa Quitojo chacochoani
quea bihui nee.

1 Conitio 15.31

12

**Jesosaa ojaya epeejji cuana
sosequia caje**

E'e jojo nei ojjaña joya ecuea
eshajja'ajjajji poani ba'e
meesahua cani, ena e'ishijji
quia cani pojja'a eya ojaya
quea boti neejo, Eyacuiñajjiya
oya quijje sosequia caje'yo
oya quea pame nee poanijo
--Jesosaa o shajja'ajjajji
cuana huohui canaje mahuiso
huoojea jjimahuajo.

Mateo 10.42

Esejaya Emeshi mese nei nijje
quea pame nee
chacochaconajejo, eya quea
huiso sosequia caje'yo poe
o'oya majje. Ohuaya eya
huohui caje'yo jama ba'a:
--Miya ecuea echacojji quea
ja'a nee poanaje.

E'e, ojjaña ojaya epeejji
cuaa ma ojaya epoe o'oyajjijo
quea bihui neeya ishoa'ajja
ca'ani Jesosa Quitohua
sosequia caje'yo quea huiso
pea'ai.

2 Timoteo 4.8

13 Edosiquiana nei, Eshahua

Jjeya Eyacuiñajjiya ojjaña
joya enijje jjapeequi ajja
quea nee nee po mee caje'yo.
Eyaya ojjaña jeabichajeje'yo;
Edosiquiana nei Satanasa
bajjani, ma ojjaña dejja
mimishi huoojeajji poani
jeabichajeaje'yo. Quijje oya
cuaqui yasijje dobiquije'yo
tii tii.

Huani 12.31

Jesosa jama cua ba'a: --E'e
de, ecuea eba. Eyaya
Edosiquiana banaje oquequinaje
eyajo nequi pojjeje jayojja,
de.

Noca 10.18

E'e de, Edosiquiana nei
Satanasa jama oya cuana poani.
Ohuaya, Satanasa ojaña dasia
cani; Jesusaja esohuidojojji
quea pame nee poso acani cuaa.
2 Conitio 11.14

Jamajjeya oe ;Eyacuiñajjija
esohui jayojja jama pocue!
;Edosiquiana nei nijje a'a
jjapeequijji! ;A'a oya
shajja'ajjajji! ;Oya
huojeacue! Jamajjeya
miquianaya Jesusaja epeejji
poanijo Edosiquiana miquiana
huojeajji pojjeama poani.
Chojja, jjanequishiñaqui majje
oya poquije quea huesha nee.
Satiaco 4.7

Majoya Eyacuiñajjiya
Edosiquiana nei jeajea caje'yo
bae quea jiji nee jayojja
huasijje, bae quea ihui, quea
pase yasijje. Ma oja dasia'yo
cuana pea'ai jeajea caje'yo
bae jijiani yasijje,
Eyacuiñajjiya. Pea shanei
ejja nijje, pea Eyacuiñajjija
esohui huohuijji nisho quea
mimishi pea'ai nijje oya cuana
quea nee nee po tiitiije'yo
bae jijiani yasijje.

Apocanisi 20.10

14

**Quijje shajjama' cuana quea
nee nee poaje'yo**

Pea cuana ca ca Eyacuiñajjija
esohui e'e nei jama ba'e sa
po'yo ajja. Cajaa acani.
Shajjama' poani. Jamajjeya
Eyacuiñajji onijje quea quene
tii tii poaje'yo. Quea nee
nee po mee caje'yo.

Shomano 2.8

Eseya aje oe manoje'yo pea'ai;
oe nei mano'yome poaje'yo.
Mano'yo majje Eyacuiñajji
cojja neijo nequije'yo.
Ohuaya huohui caje quio ese
ba'ya poa sosejje. Eseyaya
quea pame ba'yaninajejo ba'e
tiitii mee caje'yo onijje
eyajo. Quea mimishi
ba'yaninajejo ca ca quea nee
nee po tiitii mee caje'yo.

Emeo 9.27

Pea cuana, chojja. Ojjaña
quea mete jjejojo enijje
jjapee pajeaqui'yani,
eshahuaja epeejji cuana,
ojjaña quea mimishi ba'e
cuana, pea quecuajji cuana,
pea cojjojji cuana,
eyamiquecua cuana, ojjaña
quea tai acani, eyacuiñajji
nisho bihuiajji cuana, ojjaña
siajjepojji cuana, edasiajji
cuana pea'ai poquije'yo cuaqui
yasijje, bae ai jayojja
jijiani yasijje poquije'yo.
Maya bajjani Emano Beca'yojji
quea nee nee epo nequi'yojji
--Eyacuiñajjiya eya jamaya
acanaje.

Apocanisi 21.8